

遠人民呼常有想有我想有好想各各求我作無上正真道時有人民故爲說經使斷是諸想悉斷求云何斷是常非常是樂皆苦是身非身是好皆醜開士思念爲變謀明慧守無願定向滅度門不中道取證若開士大士心念衆生從久遠來求因緣求想求欲求聚

想求空想求開士言我使衆生無斯想普慈弘至故得變謀明慧是法觀空相願識無所從生齊限不中道取證法當作是知開士云何求明度曉習法中心何緣求入守空定向滅度門守無想無願無識無所從生定向滅度門是開士不得慧故守空念無想無念無識無所從生念定竟有來問者不即持不可計心爲解者如是非不退轉開士也何故不退轉開士心無央數悉知用是行不具足知未得不退轉之明矣善業言不可計人求開士道少有能解者佛言作是解者已受決於功德中極殊所知法應儀緣一覺諸天人是

龍質諒神所不能及  
大明度無極經卷第四

羽十二

平江府磧砂延聖院僧 惟勉

情言發心施財命土刊雕  
大明度無極經第四卷所集

十五

功德全用報薦

先考楊六七承事

先妣太君王氏六九娘子雙魂仗是

殊勲同躋

淨域共證菩提

咸淳八年十二月 日

惟勉謹題

大明度無極經卷第五

羽十二

吳代月支國優婆塞支謙譯

大明度無極經遠離品第十八

佛告善業夢中開士大士不入應儀緣一覺地亦不教人入中諸法夢中視心志常在佛當知是不退轉相夢中與若干百千弟子共

會坐說經與除鱧衆相隨取在前如來說經  
悉見是不退轉開士相夢中在虛空中坐爲  
諸除鱧說經還自見七尺光自在變化於餘  
處所作爲如佛說經夢中不恐怖不畏難若  
見郡縣其中兵起展轉相攻水火之災虎狼  
師子毒虫之害見斬人首者如是餘變勤苦  
困窮飢渴者觀諸厄難悉作是見其心不恐  
寤即起坐念如夢中所見觀是三處我作佛  
時說經遍教當知是不退轉相何從知是開  
士大士成作佛時其境內一切無惡正是時  
夢中若見畜生相食人民疾疫其心稍稍生  
念使我界中一切無惡用是故知於夢中寤  
已若見城郭火起時便作是念可於夢中可  
見是相見之不怖用是相行具足是爲不退  
轉開士今我審應是所向者當無是異變火  
起當滅悉當消去不復見佛言假令火即滅  
知已於往佛受尊決矣假令火不滅知未受  
決設火神燒一舍置一舍復越燒一里置一

里知其家人前世時斷經所致斯人之等所  
作悉自見宿所作惡於是悉除從是來斷經  
餘殃悉盡知是未得不退轉用是持視是相  
當爲說令知之或時男女爲鬼神所取作是  
念或我受決已過去如來授我無上正真道  
所念悉淨却應儀緣一覺心會當作佛十方  
現在諸佛無不知見證者令如來悉知我所  
議念鬼神當用我故去不去者未受決佛言  
其人審至誠者弊邪往到前曰若本作是住  
本字某已受決欲以是語亂之開士言我直  
已受決者鬼神即當去邪神念曰我當使鬼  
去鬼即去所以然者天邪極尊有威神力鬼  
不取當開士反念用我威神故去耳便自貢  
高輕傷賢人無所敬錄言我於過去如來所  
受決已自可貢高反起瞋恚更念罪念當墮  
兩道以不成爲成當覺邪爲捨善友去爲邪  
所固當覺是事邪反覆往說昔受決事并七  
世父母中外宗姓字若在某國縣鄉生今作

是語前世亦作是語軟隨其人性行聰開吉  
凶窮達貴賤貧富因扶獎踈言若前世亦余  
開士心念想我將介邪復言若已受決得不  
退轉其人聞之心大歡喜自謂審然便行形  
調輕傷同學用是字故便失其本行墮邪網  
用受是故不覺邪為自謂得無上正真道邪

復言若作佛時當字某聞是名心念我得無  
然我生本有斯志佛言是開士於智中少無  
變謀智慧乃作是念若邪天共作是除讎為  
之所迷佛言我所署開士不教令作是念遠  
離一切智亡權德遠大明釋賢友信凶愚斯  
輩會墮兩道若後久遠勤苦乃復求佛耳用

明度慧故當自致作佛佛言是介發意受是  
字時不即覺悔如是當墮兩道若有除讎教  
重禁四事法若復他事所犯毀是禁不成沙  
門不為佛子是壞開士言我於某國郡縣鄉  
生作是念時於除讎四事法其罪最重置是  
四事重法是為五逆當意生念受其字意信

之其罪大重當作是知用是字故為邪入深  
罪邪復往作是語遠離法正當介如來正覺  
所稱佛語善業我不作是說遠離教開士大  
士於樹間閑處止善業白佛言云何天中天  
何所復有異遠離佛言正使各有應儀隨是  
行念緣一覺隨是行念各有開士大士於城

別大明度至五

三

外行遠離一切惡不得犯若當於獨處樹間  
閑止了行開士大士法我樂使作是行不使  
遠行到絕無人處於中止持是遠離當晝夜  
勤行是故言行遠離當於城傍我所說法如  
是介時弊邪當往教行遠離法語之若當於  
獨處樹間止當作是行隨邪教便亡遠離法  
邪語之言道等耳應儀緣一覺等無異佛言  
是開士所願未得反隨其行於法中未了反  
自用輕餘開士自貢高誰能過我者輕城傍  
明淨心所念不入應儀緣一覺法中住所有  
惡不受禪脫棄定於定中逮得所願悉具足  
度佛言其無變謀明慧開士正使在空澤中

禽獸羅刹所不止處百千萬歲復過是不知  
 遠離法會無所益邪便飛行在虛空中立言  
 善哉善哉是真遠離法如來所說正當隨是  
 遠離行疾得無上正真道是人聞喜便起到  
 城傍遠離成就有德高行反輕言若所行法  
 非佛言如是語行者中有正行呼非反行呼  
 是不當敬者而敬之當所敬者而恚慢之邪  
 語是開士言我行遠離有飛人來語我言善  
 哉善哉審是遠離法正當隨是行我故來相  
 語若在城傍行誰當來語若佛言開士有德  
 人而反輕之如是當作是知如擔死人種無  
 所中直反呼是開士有短是為開士怨家厭  
 開士高行為天人大賊正使如沙門被服震  
 開士之中由亦是賊無與從事交接言笑何  
 以故多瞋恚怒起敗人好心當作是知所當  
 護法當自堅持當淨其心立心所狎習當諦  
 持常當正心畏怖勤苦處無得入彼壞器輩  
 所在三處止常當持慈心哀念令安隱慙傷

之自護所念使吾無生穢濁惡心我設有不  
 善疾使棄之是開士大士所行極上當作是  
 知  
 大明度無極經善友品第十九  
 復次善業開士大士盛志欲得無上正真道  
 寂正覺當與善友從事恭敬三尊善業問善  
 友當何以知佛言有為人說明度無極者教  
 人入是定是開士大士善友六度無極是善  
 友是善德是護是將是去如來即正覺當來  
 今現在十方無稱數佛刹如來皆從明成一  
 切知道用四事護眾生何等四一者布施二  
 者勸樂三者饒益四者等與是為四德為父  
 母為舍為臺為度為自歸為導是故六度為  
 眾生之度開士大士學六度用眾生故都欲  
 斷其根學明度相何所是明度相無罣礙明  
 度相是相為得諸法佛言如是無有相得明  
 度是所相得諸法何以故諸法各空是相亦  
 空是為明度善業問佛正使天中天諸法各

空何緣人民欲生死滅盡時空無增時亦無  
休息各虛空無形無上正真道寂正覺不從  
是中各各虛空不得無上正真道寂正覺云  
何天中天是法當以何知決佛言亦群生勤  
苦望欲得是因致是作是求亦見我得空不  
乎善業言不也天中天佛言自作是得是是

空不對曰如空天中天佛言但用是故若無  
解時對曰如是天中天極安隱人民欲得是  
因致是勤苦無休佛言人民所欲故便著當  
作是知人民所生本從是生從中無所取無  
所取者不作是無是無滅盡時無生增益者  
作是曉知是開士大士求明度善業白佛言

并大明度經五

五

開士為不求五陰作是曉知為求明度為悉  
等求諸應儀緣一覺所不及有德之人求巍  
巍之道無能逮者當作是行晝夜疾近無上  
正真道寂正覺佛言云何四天下群生都獲  
為人常求無上正真道發意索佛道各盡壽  
布施與無上正真道於善業意云何其福寧

多不對曰其多天中天佛言得明度淨定守  
一日如中教作是念行其福過彼何以故眾  
生行無能及是慈者斯高士深入智中曉了  
是智悉具足是世間勤苦即與普慈愍傷一  
切道眼徹視見群生成就具足高志行無懈  
怠以其不懈得是彼開士弘慈普至不以斯

相住亦不用餘住其智大明雖未作無上正  
真道一切刺土皆共尊舉正上真道終不還  
若受供養衣服飯食牀卧醫藥是明度心其  
中立所受施除去近一切智所食無罪益於  
眾生悉示道徑無邊極處悉明照之諸在牢  
獄中者悉度脫之示其道眼隨是行莫念想  
莫作異念持聞入明度中高行莫懈辭如得  
明月珠已復亡之大愁毒坐起憂念想如亡  
七寶作是念云何我亡是寶欲索珍寶者常  
堅持心無得失一切智何以故明度虛空亦  
不增減善業言虛空云何開士大士成就其  
行近無上正真道佛言開士大士亦不增不

減經中說時聞之。不恐不怖。當知是高士。即為求明度矣。善業言如是。明度是為空求乎。佛言不也。有離明度得耶。佛言不也。善業言以五陰求佛言不也。又問離五陰頗有所求。佛言不也。善業言云何求。大明佛言若見是法。何以法求明度。對曰不見天中天。佛言云

何遍見是明度。何所開士求之。對曰不見佛言。設使遍見法有所生處。不對曰不見佛言。是所開士。大士逮得無所從。生法樂悉具足。無所受。決無上。正真道。寂正覺。所至處。無所復畏。悉作是護。是求是行。是力為逮。佛慧極大。慧自在。慧一切智慧。如來慧。設作是不得

佛佛言為有異。善業言設使諸法無所生。受決無上。正真道。佛言不也。善業言云何開士。大士得無上。正真道。佛言見所當受。決者乎。對曰不見法。當作無上。正真道。佛言如是。諸法無從中得。開士不作是念。持是法。當不受決。

大明度無極經天帝釋品第二十  
釋於眾中白佛言甚深明度無極難了難知。天人德大。值說斯定。聞之書持。學者其福甚大。佛語釋閻浮提人民皆持十戒。悉具足。持是功德。百千万億倍。不如是善人聞明度書。持學者時坐中有一除。離語釋出。卿上去已。

報言持心一念出我上。何況書持覺隨是法。教作是立者。明德巍巍。喻三界群生之上。乃至溝港。頻來不還。應儀緣一覺。復過是上。至開士行布施持戒。忍辱精進。禪度無極。若夫明度及變謀。明慧亦復過其上。開士大士取明度。狎習中行。天人鬼龍含毒凶孽。終不能勝。作是堅持。疾近一切智。不離如來名。佛坐不遠。懈怠不生。為學佛不學。應儀緣一覺。法四天王當往問訊。疾學四部弟子當於佛坐。作無上。正真道。當作是學。四天王常在往問訊。何況餘天子阿難。作是念是釋。自持智說。耶持佛威神說乎。釋知阿難心所念語。阿難

言持佛威神佛言是中阿難或時開士大士  
深念求學明度三千國土中邪一切皆悉愁  
毒欲共壞亂使中道取證

大明度無極經貢高品第二十一

佛告阿難開士隨時各學明度無極隨法行  
之是時一佛界邪各驚念言我使開士中道

得應儀莫使得無上正真道弊邪見開士習  
行明度深為愁毒四面放火怖諸開士令心  
一轉佛言邪不身遍行亂開士若速離善師  
為邪所亂愁毒以不深勝明度心狐疑念有  
之無乎昔所翫習而今惡聞或結不知將以  
何緣守明度乎疑網自弊邪得其便教餘開

士言若用是為寫學我尚不了其事若能了  
乎自言所行是若所行非所為顛倒用是故  
其人在地獄禽獸餓鬼中其罪日增如是邪  
大歡喜若開士與行應儀道諍又與開士共  
諍時邪言而離佛遠矣若未得不退轉開士  
與不退轉諍隨念恚恨心一轉念轉却一劫

雖有是惡不捨一切智劫數無極始當從初  
發意起阿難白佛言心所念惡寧可悔不可  
當却就尔所劫佛言我法廣大可得悔若開  
士念惡有恨又喜以教彼斯人不可使悔也  
設有恚罣即慙悔過我當為十方人作橋梁  
令得涅槃寧可有惡意與人諍耶當如羴羊

諸惡之人忍心不當起恚為應儀道者阿難  
白佛言開士大士與相共止法當云何佛言  
相視當如視佛心念當言共一師一船一道  
彼所學我亦當學欲喜應儀緣一覺道者不  
與同願其有忍苦欲求佛者當與相隨若此  
為一法學也

大明度無極經學品第二十二

善業白佛言開士學無常為學一切智學無  
所生學去姪泐學滅度為學一切智佛告善  
業若所問學無常為學一切智者云何是如  
來本無隨因緣得如來本無字寧有盡時不  
對曰不也如此為學一切智明度無極如來

羽五

地十種力四無所畏為悉學諸佛法開士大士作是學邪及官屬不能中壞疾得不退轉為近佛樹下坐為學佛道為學習法慈悲喜護普濟群生學三合十二法輪為轉學滅度十方人為稍稍上至佛道學入甘露法門不懈息之人乃能學是作是學者為學十方人導死不入地獄禽獸餓鬼終不生邊地愚癡貧窮中不受眾痛之痛不毀十戒不從流俗淫祠遠不持十戒人不願生不想天上從明度中出變謀明慧威神入禪不隨禪法開士學如是為得淨力無所畏力佛法淨力善業白佛言諸法本皆淨何等開士為得法淨佛言開士學如斯為學無所得淨法諸法淨如是開士行明度時不悔不厭是為行未得道者愚癡不曉是法不見其事開士用人故常精進人當効我用是得力精進無所畏作是學一切智者若出金之地其地少耳又如索轉輪聖王之人少耳小王者多從是中多索

應儀緣一覺者既有初發意開士少有隨明度教得不退轉者開士當力學及不退轉開士行明度不以恚意向人不求人短心無慳貪不毀戒懷恨懈怠迷亂心無癡冥學明度為照明諸度悉入其門道德備足如人言是我所便外著十二品悉供養一佛界中人盡刊五壽命不如守明度淨定彈指頃何以故從是疾得無上正真道能給視十方窮孤求佛境界佛之智慧如師子獨步欲得佛處當學明度學明度者為學諸法善業言開士復學應儀法耶佛言開士學一切智應儀功德不於中住開士學十方人無能過者於一切智中不增不減若念持是明度當得一切智為不行明度當得一切智為不行明度無極無想之行也

大明度無極經守行品第二十三

是時天帝釋在會中坐作是念開士行十方人無能過者豈況佛乎人身難得壽安又難

有一發意求佛者甚難何況至心求佛道欲  
爲十方作明度導者乎是時釋化作甘香華  
以散佛上作是說行開士道者乃及於佛所  
願悉成爲護成佛諸經一切智如來經法悉  
具足不退轉法亦人有至心索佛於是法一  
存念終不還我欲使人於法中益念不厭生

死之苦以一切衆生苦故當忍勤苦之行心  
作是念諸未度者吾當度之恐怖者吾當安  
隱之諸未滅度者吾當滅度之復問佛新發  
意開士隨次第上至不退轉至一生補處人  
勸助其喜得何等福佛言須彌山尚可稱知  
阿閼浮開士行人勸助歡喜其福無極一佛

界中海水取一髮破爲百分從中取一分以  
取水水盡可知幾滴不退轉開士行勸助歡  
喜其福不可量稱數一佛剎虛空持一斛半  
斛一斗半斗一升半升可量知幾所此勸助  
福不可極釋白佛言邪及官屬從邪天來聞  
斯定不勸助將有緣乎佛言發意索佛者爲

壞邪界心不離佛法除憊衆如是其助喜者  
爲近佛用是功德世世所生爲人所敬養未  
嘗有惡聲不恐入三惡道當生天上在十方  
常尊何以故此勸助之德爲等施群生矣何  
以故初發意人稍稍增多自致作佛滅度群  
生故善業白佛言心僻如幻何因得佛佛言  
十

大明度至五

云何若學見幻不對曰不見化幻亦不見幻  
心也佛言不見化幻幻心見有異法當得佛  
道不對曰離化幻心不離幻心不見當來佛  
無法無見當說何等法得耶不得也是法本  
無遠離亦無若得不得也本無所生亦無作  
佛者設不有是法亦不得作佛善業白佛言  
設亦明度離本無對曰法本無對無證無守  
無行無法當有所得何以故離明度本無形  
故本無遠離何因當於明度中得佛佛者離  
本無所有何所離本無無所有當得佛者佛  
言如亦所言離本明度雖本一切智俱無所  
有雖離本本亦無所從生開士當作是惟深

入守定是故離本無所有得作佛雖知離本無明度無所有是為不守明度不具足行者不得作佛如善業所言不用明度故得佛雖亦不可離明度得作佛開士所行勤苦深奧之法不中取泥洹如是所說事開士不為勤苦行何以故無作證者無明度得證者亦無

經法得證者開士聞是不恐不怠是為行明度雖作是行亦不見行是為行明度近作佛遠離應儀緣一覺不見不念辟如虛空中無念有近遠者也何以故明度無形類辟如幻所作人不作是念師離我近觀人離我遠辟如影現於水中或近或遠不念近遠何以故

<sup>羽五</sup>影無形明度如是無是今應儀緣一覺道為遠佛道為近適無憎愛無著無生辟如匠工黠師刻作機關木人若作離畜不能自起居因對搖木人本不念言我當動搖屈申低仰令觀者喜如海中大船作者欲渡賈客船不念言我當渡人如曠野之地万物百穀草木

皆生其中地不念言我當生不生也如明珠悉出諸寶如日照於四天下其明不言我當悉照如水如風無所不至不念當有所至如須弥山上初利天為莊飾山不念我以初利天為莊飾若大海悉出諸寶奇物海不念當從中出珍寶明度無極出生諸經法如是雖

亦無形無念辟如佛出生諸功德慈悲喜護加諸群生明度成諸淨法其義亦然

大明度無極經強弱品第二十四

鷲鷲子問善業開士大士行明度無極為高行耶報言我從佛聞行明度為無高行諸愛欲天念當為十方發意為開士導者作礼何

以故行深明度開士捨忍眾苦究竟佛業不中取證寂滅度矣善業語諸天雖不墮落中道取證是不為難也為十方眾生被法鎖令得滅度斯乃為難斯人本無索不可得作是念為欲度十方欲度空何以故虛空無近無遠人本亦亦欲度人為度空為被法鎧如佛

所說人本無其知人本無所有是為度人開  
士聞斯不恐怖斯為行明度離人本無人離  
五陰離諸法本無五陰及諸經法開士聞是  
不恐不懈佛言何因不恐不懈對曰本無故  
不恐本淨故不懈何以故索懈怠本本無有  
也所因懈怠亦復無有也諸天釋梵皆為作

禮佛言不但諸釋梵上至約淨天遍淨天無  
結愛諸天皆為作禮十方不可計現在諸佛  
悉念擁護知是行明度開士不退轉恒沙佛  
刹中人悉使為邪一邪者化作如恒沙官屬  
欲共害不能中道壞得其便有二事法行明  
度邪不能中道得其便何謂二事一者視諸

拜六明度三五

二

法皆空不失本願二者不捨十方人諸佛悉  
護視諸天往至開士所問深經讚歎善之令  
作佛不久當隨是教法立諸困苦者皆得護  
未得自歸者為得自歸為人故作法舍無目  
者得慧眼佛語善業辭如我讚說羅蘭那枝  
頭佛十方諸佛亦讚歎行明度開士如是佛

言有行開士道未得不退轉者亦復讚歎善  
業間佛行開士何道為佛所歎佛言開士隨  
無怒佛前世為開士時及羅蘭那枝頭佛前  
世為開士時所行隨是教用是故十方諸佛  
讚歎之開士大士行明度諸經法信本無所  
從生尚未得無所從生法樂於中立信諸法

本空如滅度尚未獲不退轉隨是法教立者  
疾得不退轉有應是法行者諸佛讚歎之是  
開士為度應儀道正向佛道地開士聞深明  
度信不狐疑念如佛說諦無異也却後當於  
無怒佛所聞是法為在不退轉地立若聞者  
其德甚大何況隨法教立者為疾入一切智  
善業白佛言設離本本無法無所得亦何所  
法有作佛者有說經者佛言如是設離本無  
法無所得何所法有作佛者亦無說法者是  
本無無本何所有於本無中立者釋白佛言  
明度甚深開士勤苦行乃自致成作佛何以  
故無字法無所得在本無中立者亦無作佛

三五

十三

者無說經者聞是不恐怖不疑不厭善業言如是帝釋開士勤苦聞是深法不疑不厭諸經法皆空何所有疑厭者釋言如所說一切為談空事為無著辟如射空也善業所說經猶亦然矣釋白佛如我所說為隨佛法教耶有增減也佛言與佛說無異如善業所說但說空事善業亦不見明度不見行者行不見佛不見得佛者一切智如來無所從生法十種力四無所畏上尊諸淨法都不覩有索得之者所以然者諸法本淨故為無得斯為行明度也眾應儀緣一覺地所不及欲為十方人天尊當隨佛法教立是時初利天上數千萬天化作甘香華散佛上作是說言我曹亦隨法教時座中百六十比丘起整衣服為佛作禮已手中各有化甘香華持散佛上言我曹亦當隨法教立時佛笑口中出若千色光其明至十方佛國悉為其明還繞佛三匝從頂上入阿難從座起整衣服為佛作禮長跪

問佛佛不妄笑願說笑意佛言是百六十比丘及諸天甫當來世有劫名導是比丘及諸天當於導劫作佛皆同一字字優那拘泥摩作佛時比丘僧數各等其壽二萬歲隨次作佛壽各等盡散五色華如是  
大明度無極經累教品第二十五

佛告阿難作是立者為如佛立欲如一切智立當隨明度教應是行者當知從人道或從兜術天上來久聞明度或行所以然者佛滅度後法於世間現或於兜術天上現有行若書者復轉教人勸樂合偶知供養若干佛已來不於應儀緣一覺品中作功德有受明度學之若解中慧是開士如面見佛無異其有斯德用求應儀緣一覺會必得佛矣行法當當遠離此二道佛語阿難持是明度屬累汝我所說餘經若所受悉捨忘之其過少耳所從佛受明度若忘捨之其過甚多諦學悉具足受書字莫令缺減往古來今佛經等無

大明度至五

卅

異若有慈心於佛者當受此法敬礼供養爲  
供養三世佛報佛恩備矣若慈孝於佛不如  
恭敬明度慎莫亡失一句囑累若鹿捕說耳  
若有不欲離於經法比丘僧三世佛者不當  
遠此法三世諸佛皆由斯生所以然夫六度  
者乃諸開士大士之母佛不可盡經法之藏

若日教人盡佛界中令得應儀道雖有是教  
尚未報佛恩不如具足爲開士說明度雖不  
能多一日可不能一日食時可若須臾聞其  
福勝廣介所應儀開士大士思惟中慧得功  
德出應儀緣一覺上會當得不退轉不中道  
墮落說是明度時四部弟子及諸天王諸鬼  
神王一佛界中持釋迦文佛威神一切悉見  
無怒佛及比丘應儀諸開士亦無央數忽不  
復現佛語阿難辭如見國中人已不復見無  
怒佛及諸開士應儀士諸經索不見亦如是  
法不見法法不念法何以故諸經法無念  
無見亦無所益佛語阿難諸經法皆空無所

持不可念辭如幻師化作人諸經法亦然無  
念無痛何以故無形故開士作是行作是學  
爲行學明度在學中敬尊百千万倍是爲  
安十方群生困厄者爲隨佛法學也有應是  
學者以手舉一佛刹又復着故處人無覺者  
從是學成無礙慧法十方三世無數諸佛悉  
從明度成佛亦不增不減是故不可盡虛空  
亦不可盡

大明度無極經卷第五

比丘清滿書

羽

大明度無極經卷第六

吳代月支國優婆塞支謙譯

不可盡品第二十六

是時善業念佛所說明度無極義甚深不可  
盡譬如虛空開士當何緣思惟之佛言五陰

月十三

乙